





玉禾山人詩集卷四

合肥田實發梅

黃蘗齋稿

美人梳頭歌

百舌驚曉春朦朧西施泪下明鏡中夫渠一朶晴  
中血鸞歌鳳舞愁亡節心病自諳慵不起旁人誤  
謂顰亦美野花冪歷苧蘿屋門前溪水流香淥浣  
紗臂軟嗔東風睡足花梢斜日融館娃在奪吳宮  
寵不是瑤臺壁房種元蟬翼薄梳掠多蘭膏叠叠  
蟠雲窩珠寒翠重還如何斷送一生螭與蛾行兩





夢歸空山阿澹裊裊嬌柔羅爲君響屣休輕那  
妝成強着雙紅鞵

夢境

騎驢夢中路高柳綠灣灣柳下一溪水溪南數點  
山山中昨夜雨溪水正潺湲寂寞無人跡鶯鶯飛  
往還

艾如張

麥隴深綠雉媒伊喔亟飛就爾意不惡乃致傷我  
首與足素絲鋪空織煙細幾寸之目如鱗比由來  
見媒不見網禍機之伏在平地

鸚武

潛向雕籠理舊翎西風夢冷隴山青而今却爲多  
言讖添學楞嚴一卷經

賦得青天有月來幾時

青天有月來幾時年年月月長如此不知天果與  
月誰先後月果與天爲終始缺何餽而堪悲圓誰  
鑄而可喜蟾常伏而何逸兔常勞而何事僊何譽  
而永謫娥何貞而長寡何所怒而爲弓何所庇而  
爲瓦越花竹之參差穿琉璃與玉宇隔芳櫳而裴  
裊笑吹簫之鳳侶度落葉而飛光過湫塵之陋巷



燭貧女之鳴機  
紉寒絲而不上  
一夜新霜塞上來  
關山萬里笳聲哀  
十載秋風愁夜讀  
三年一照劉  
蕢哭嗚呼古已往  
今不了苦辛多歡樂  
少月所知  
昏復曉我試問  
月月亦悲天  
中爲我行俱遲

題焦仲卿事

懸枝義如山  
赴池泪如雨  
黃蘗與蓮葍  
各是一般  
苦

萬家山

山雖容萬家人  
不住山裏谷  
虛風自生白雲  
盪若  
水

題畫屏十二幅

一首失稿

山上雜樹小鳥下雙孔雀

枋榆故智怎追尋  
飲啄成雙琪樹陰  
金翠尾長能  
自愛尼山真箇有家禽

杏林雙黃鸝燕子銜落紅飛去

金衣公子占春魁  
上苑春光特地催  
酸煞烏衣門  
第舊一般啣出豔紅來

高柳樹喜雀

一羣乾鵲簇春巢  
斥柳如金葉正交  
養得衆雛毛  
羽滿試飛爭賀綠煙梢



鷹

驚開凡羽占喬柯  
天半秋雲側眼  
睨者等精神誰  
得似紀年猶記  
宋宣和

佛手柑鵲鴿

髣髴枝條出粵東  
眷令無事語芳叢  
百年何處求  
多福只在壩筮韻  
叶中

白梅花小鳥

香入寒雲艷粉姿  
梭花小鳥已先知  
他時鼎鼐需  
酸味莫踏朝南第  
一枝

雁十四隻

十二時中對竹窗  
一時一鴈寫秋江  
惜他硯上餘  
顏色添向雲間畫  
一雙

牡丹白頭翁

筆底端然擅化工  
東風花鳥一叢叢  
分明金谷園  
中客鶴髮雙雙百  
歲翁

雙鸚鵡對浴上雜樹小鳥

最是文人墨不枯  
惹他羣雀妒相呼  
從今錦水鴛  
央浴不及秋江鸚  
鵡圖

荷花下睡兩鴛鴦

翠幄紅幃夢未闌  
頻傾香露不知寒  
但應偶值荷



蓬落方肯擡頭子細看

鷺鷥九

淥淨平湖秋水深費他胡粉畫霜禽只因忘却多  
思戒繪得宣尼一半心

夢西梁山南谷上人

善眼仙人切源洄清宵好夢喜相催千層雪浪當  
窗見一片雲山對面來拜佛僧雛香磬晚弄流漁  
父罟船開當年人物當年景辜負前緣驀自猜  
月亞高梧墜露濃迷蕉幻蝶兩相逢五更鼓罷驚  
昏睡萬斛愁巔動曉鐘身似斷琴因漆壞學如老

妓欲粧慵何時携得支公手謝眺青山感舊蹤

龍劍歌

禹戮防風骨專車文作干城歌免置太阿炯炯燦  
天葩豈徒佩負矜豪奢吳王求劍搜冥遐意欲威  
光四海加吳人干將婦鑢鈺變化金鐵成專家詔  
爾夫婦竭菁華用心母使毫釐差譬彼美玉期無  
瑕果匪俗手鑪錘夸融冶汁液浮清花五色奇石  
鍊皇媧髡剪指爪與髻鴉鎔成霍霍輝雲霞彩如  
紅蕖鐔綠蓮試之頑石同秋瓜君王動色深歎嘉  
美人綬結青紫網自理雄鍔囹圄穴高天落月流



影斜神光夜夜飛金蛇獄樹烏鵲驚啞啞誰提寶  
物出泥沙再三磨拭重咨嗟斑斑佞血猶赭赭鳴  
鳴鬼母愁妖邪紛紛月眼奇且譁忽然躍去延津  
涯兩龍蜿壇歸深窪雲蒸電激攫復拏有美必合  
無足呀劔乎龍乎昔能為國潛消覬覦斬萌芽一  
空四塞無悲笳今為霖雨降如麻豈唯涸鮒泣路  
汗慰我萬姓望已賒

官倉鼠

官倉鼠饑食官倉穀飽穴官倉土官倉穀陳借百  
姓官倉一空穀未補嗟爾鼠技窮力殫長苦饑白

日跳梁過隣堵忽然墮地走不動跼踖盤旋目如  
瞽嗟爾微物乏良謀侵漁太倉非爾所縣官寬厚  
無烏圓頻年任爾相追舞子孫蕃衍若螽斯不知  
有日失其處何不學丘蚓食槁壤何不學秋蟬吐  
臭腐噬臍已晚母乃苦嗟乎噬臍已晚母乃苦

斗城高望

試題

大蜀小蜀煙雲酣孤山一笠浮青藍中有姥峯黛  
鬟淺平湖如鑑開塵函千載依然山共水極目吳  
頭與楚尾樵謳牧笛幾斜陽戰地沉戈猶半紫教  
弩曾留魏武臺浦聞絲管生餘哀草色迷離舸舫



香黃龍青雀皆灰埃鶯啼飛騎橋邊柳泚津下咽  
巢湖口遠阡廣陌何紆迴却塋陳王才八斗花墩  
祠宇鬱嵯峨當年寒鐵稱閻羅京尹威名行赤縣  
蒼生笑口清黃河元放擲盃凌碧漢伯陽携犬登  
絕巘神仙中人不可攀丹霞黃雀共奇炫亭名俊  
逸花盈洲紅蕖映日參軍留別有耆闍一峰秀貴  
主金粟持清修披襟頓覺人寰小天際孤雲去縹  
緲鹿起龍眠彌望間巍巍天柱青旻表而今幸際  
泰階平燔燧全消政更清斗間紫氣方團結膏雨  
薰風萬物榮

和李松屋孝廉詠白芍藥

玉砌種將離培成瑩潔姿香無風自遠色有月偏  
宜莫喜素爲絢還憂白易緇棟花零落後端賴殿  
芳時

附錄松屋元唱二絕句

不羨揚州金帶圍瓊瓏香色兩依稀試看鑲玉雕水處傳粉何如月下歸  
水精簾子露華侵雲母屏邊月色深唯恐春光心駭湯路落霜雲抱芳心

贈金陵朱丹霞廣文

朝一盤首宿暮一盤首宿堪笑天先生食無月朝一  
卷經書暮一卷經書先生自笑樂有餘去年火發  
先生屋燒却經書無可讀破瓦焦楹憑委置先生



首猶無栽地靠牆半厦塵土埋竈邊安榻頭難擡  
鄭虔妻子遣歸里枵腹安用相追陪先生吟嘯猶  
未已屐聲入耳跫然喜乞米賒酒且爲歡忘却官  
銜寒似水橄欖無回味咀嚼亦自佳蜜脾雖云美  
不從苦處來俗人不識困中趣熱處作緣避冷處  
但能守此長不改首猶重栽書再買

郡試大蜀山校獵

鳴鉦氣色壯旌竿閱武公餘叟稚歡號令獨因豺  
虎肅網羅多爲鳳麟寬鷓飛雪暗暮天合矢激雲  
開高岫寒賒得陽春隨畫鹿此中僵臥有袁安

署齋雨後移竹同王覲宸景韓昆季舍弟綺

山賦

限韻

幾葉當門鳳尾斜瀟湘翠色未能加試看勁節虛  
中處朱粉羞他一絲花

月下蕭疎雨後斜數竿涼翠亦交加莫教虛動龍  
蛇影飢鳳年來待作花

附覲宸和韻幾竿疎影傍檐斜芳樹嬌枝未可加謾向三冬愁寂寞同心松栢本  
無花景韓和百千个影儘欹斜無意凌冬綠更加却咲孤梅不耐冷故從霜裡  
弄幽花綺山和數枝簾外任橫斜霜雪何妨  
逐日加自向窮陰全直節春風飛李媿芳花

哭王兩溟

二首失稿

浮漚身世蚤收場白版紅蚪有底忙十四年中兩



垂泪頑心如石不輕傷

徐子越江與兩溪皆同社友  
乙亥歲越江歿今十四年矣

交頤別淚濕衣襟一跨青羸不可尋  
老病阿彌聲欲盡直教長繫九京心

井砌蟲蛙百部喧詩名未卜幾年存  
風軒月巷聯吟處黃葉打頭秋雨繁

青楊舊與百楊通隻雙雙鳧便不同  
傾倒筠箱及裘葛那能常濟范丹窮

玉禾山人集卷四終

玉禾山人詩集卷五

合肥田實發梅嶼撰

鴻影草

春日病中

解衣深醉淺寒時誰遣挑燈強詠詩  
索處正和愁作伴好春翻與病相宜  
蟲生黃蘗能忘苦蠹飽青泥便似癡  
一卷靈均常靜對但從天道問盈虧

妾薄命

春曉晴冰浮水面秋宵花霧沉深院  
十分凝厚君不知可惜君情妾不見  
妾心剖出易君心既作君



心亦應變薄言告人畏人輕泪漬羅巾銀蟄明借  
問君情與妾命但言妾命似君情

支更枕歌

并序

丙戌長夏予客壽春張友家獲見其所藏支更麤枕一枚枕可長五寸濶二寸許如銀錠式古色深黝可愛底面皆碎麤綠色兩腋白色色銷殆盡而隱隱露轉枝牡丹花痕細淨如髮蓋古軍營器也主人爲言迺先世掘地所得日間初無異入夜則枕中按更而報作金聲聲數年後家人疑其爲鬼物也沸湯煮之遂不復鳴予摩挲不忍置因思壽春素有劉備城相傳昭烈駐師處或葛亮帳中物而符謝爭戰八公殘壘斯在舊用兵地宜有此矣獨是麤經火燉入地千百年固無損寧畏水火而竟啞然耶抑物之遇合有時暫默以自全耶異日倘值其人當其用牙旗毳幕中左韜右畧鳴固未可知噶主人珍重之因感予以落鬼征塵過淝水騎驢穎毫之間短衣破帽將之大梁流連嵩山洛水攬昔人顯名發跡之墟悲歌慷慨自有不容已者復睹此枕想見古人忠勤之心不禁情爲物移興隨境發爲賦長歌以紀之

茱萸豔錦穿雙鳳百花綵帳鴛鴦夢沉香火暝金  
博山叅鬟半壓春雲重柔鄉穩住無人知象牀欲  
拂還輕移凡物有幸有不幸誰將改樣燒爲麤冰  
膚鍊骨辭蘭麝專房紅燭論兵暇更淺更深更復  
更夜短夜長夜復夜想見平沙萬幕時滿天星斗  
飄牙旗令嚴刁斗士卒凜猶恐稍愆烽火期千年  
按刻還如故多應丁甲神名護枕戈壁壘者爲誰  
一生好睡凌煙誤蕞光暗蝕古花紋髮細餘枝尚  
可分將軍骨朽壯士盡餘音淒斷何堪聞忽然沉  
寂不復響兩手摩挲空歎賞豈知大有有心人淚



隋十年髀月長吁嗟乎八公草木轉頭空臥龍五  
丈悲秋風不及邯鄲會一借能令萬古醒夢夢

濠梁道中

飄泊年來笑轉蓬閒情都在一鞭中青山左角豆  
花雨野店橫頭荷葉風偶向魚梁追曠逸漫從龍  
窟弔英雄去來差覺強人意酒殘詩筭兩不空

題啟母石

幹蠱尤資坤德賢商娥周姒未能先微時已自歸  
天妹賺煞箕山避七年

寶籙從來好慎之不同牛馬付頑癡能賢何似兼

能讓一任南巢放阿誰

有感

大德寧因一肯遮好收瑜美棄疵瑕沙間偶語封  
雍齒天下奇才感叔牙梧有干尋栖鸞鷲水應一  
勺借龍蛇逃秦張祿誰曾識假虎餘威莫更誇

對月

自顧鬚眉氣頗昂十年醉夢恣清狂忌機不學吳  
牛喘吠影應逢獬犬傷相骨九方真媿馬易皮百  
里不如羊碧霄激激橫河漢繞樹啼烏費審詳

過鄂王回師處



一件陳橋舊赭衣怎生贈敵尚嫌遲黃龍府遠兵  
南轉夾馬營寒祚北移失祭祖宗危寢墓望塵父  
老哭旌旗風波獄就臣心竭不及諸君痛飲期

題古六首

信陵君

窮鳥庇簷下翱翔多悲音秦庭七日哭同此一片  
心張采殺所患群羽歡中林嗟哉獨精衛空填滄  
海深

管仲

檻車不數尺迺容天下才時無鮑叔牙霸術終焉

埋射鉤棄舊怨度量何遠哉人生貴知遇安用悲  
蒿萊

木蘭

慷慨棄鉛粉行與貔貅徒轉戰十二年况不差門  
閭生女替父役生男當何如有母不能養目眦裂  
路隅

侯羸

大梁重意氣公子揖名流顛倒七十餘乃忝惟幄  
謀知已有早晚可待不可求皇皇庸自售終爲夷  
門羞



虞卿

抵掌易高位簷屬匪所恥故友中夜來趙相若敝  
屣著書常閉門窮愁乃可喜曰卿何如人惜哉魏  
公子

司馬相如

美婦恍閒都萬乘賞奇氣琴感卓文君賦驚漢武  
帝枚鄒方執鞭梁王且擁篲何必求遺書千秋病  
文字

湯陵

時雨親蘇塗炭災一承帝命九圍開桑林六禱回

天意莘野三徵識相才虺誥南巢無賸業鷹揚西  
土有餘哀懋官懋賞千秋鑑何事荒陵亦草萊

貧士行和內叔黃小菴

籬鷄有翼不能傅天浮萍有根不能及淵螢火有  
光不能燭遠智井雖深不能見泉人生賦命異厚  
薄從來自是天公偏王愷爨下蠟代炬萊蕪竈內  
無晨煙苦辛歡樂何足較乃至欲斷詩書緣入門  
妻子少生色飢寒倖免皆愁煎羞從經營得酒月  
安能自然供粥饘夢中展卷得快意淋漓批點揮  
丹鉛瀟灑胸次無所累油窓紅映秋花鮮醒時百



倍增惆悵傷心蟋蟀鳴堦前來日薪米寄誰氏惡  
聞街市聲喧闐華冠倒着不自覺出門及早心茫  
然東西南北無定往巷逢戚友口難傳富兒膨脝  
多腹誹姑與揖讓相周旋青雲萬里在舉眼可憐  
兩足多迤邐

玉禾山人集卷五終

玉禾山人詩集卷六

合肥田實發梅嶼撰

霞鶯吟

遊僊

周匝封緘未是忙紅蠶字小筆芬芳玉池別後輕  
千載低問來鬢郭密香

人去瓊臺故國疎低頭學拜婉姸初貪他鳳背簫  
聲叶嬾向蓬山讀道書

鴛瓦霜封夜翦燈六銖衣薄冷青綾世人未必皆  
凡骨獨有羊權得上昇



不應年命阻仙盟再得相携入紫清別去包山重  
回首小乖違處莫傷情  
骨未堅完丹未成怎教鴛夢伴長生春雲深處  
花笑只有流泉咽珮聲  
摻摻指節膩還勻愁煞東吳背癢人儘着方平說  
年少絳脣微哂不生嗔

江行問梁山

天際修蛾指未醒篷窗曾爲倚沙汀如何千古雙  
眉嫵也失當年鏡裏青  
敗葦叢中打槳遲西南風好上篷時江山滿眼都

蕭瑟爭惟詩人鬢欲絲

代梁山答

奔雲逝水兩漫漫白玉奩中萬古寒  
揀着興亡都不管新來慵帶楚梅酸  
狂態閒情忒煞多乘潮來去發清歌野雲蘸雨秋  
江上特地因君掃黛螺

江中醉後代太白見贈長歌

有序

累日阻石尤忽得張帆船如鳥逝過天門  
江岸亂葦瑟瑟作秋聲江天豁開如畫南  
望牛渚太白樓蒼松萬點遠浮雲外因憶



詩人錦袍放歌之盛不覺興隨境發亟呼  
酒不得舟子爲言匿有佳醞未澆神故不  
敢啟因促其速祭祭畢舟子飲於舵樓予  
坐篷下索兩羹蓋各滿斟每飲一盞卽以  
一盞酌太白於江須臾罌盡予亦極醉迺  
爲此歌幸空江無人任予之狂且誕也

好風西南來吹落天際雲雲中王子登縹緲青霞  
帟直下鳳背通殷勤手持白玉東招我遊崑崙  
我聞風巔醉歸逢上元贈我紀離容長令扶殘醺  
而子者爲誰醉我江之濱江中波濤千萬疊老魚

瘦蛟相吐吞乃能挂席浪花頂舉盃孤弔詩人魂  
詩人不憂名字湮不名詩人名酒人秋江爲濯襟  
上塵青山爲埋蛻後身素娥姣好居東隣天門西  
作蛾眉顰方壺員嶠各有主此席已據誰能分沈  
香亭畔三絕句忠愛反資讒人言妖花豔妃在何  
所簫聲空感君王恩嗟子天機頗清發不能恬澹  
甘沉淪蹒跚上書謁萬乘却羞詩卷畱楓宸子當  
高帝定萬戶上林賦非同時文二子者遇猶不遇  
西施未必空花邨君不見桐江一綫香秋蘋武陵  
千載桃花春江山有靈不可昧他日相逢重與論



寄許雙谿表兄

落葉響蕭森  
霜篷繫柳陰  
一尊愁共別  
兩地感孤吟  
相望秋山綠  
相思秋水深  
軒牕新句好  
應付伯牙琴

秋曉舟行

扁舟載秋色  
紆折畫圖間  
一緯荒雞路  
孤篷落木灣  
星寒猶在水  
霧曉欲沉山  
却羨苔磯鷺  
雙栖盡日間

偶題邨居

水色淒淒山色涼  
半邨臨碧半依蒼  
僧隨野犬穿

霜葉牛負孤鷗歸  
夕陽績媪線多添  
帛網社翁酒熟洗糟床  
一溪無分鴻溝割  
欲畫全家入此鄉

爲某友人題照

一條水牯廿餘年  
鼻上無繩不可牽  
瞋睡醒來搓  
兩眼斜陽芳草接  
晴川

客舍題破錢

熱時如火冷如水  
缺陷何當失故朋  
非但不能權  
子母更無人作阿  
兄稱

錙銖雖貴不重尋  
冷盡當年利物心  
千古悲歡藏  
破孔只因曾閱世  
情深



入貫無期神不靈棄時猶憶選時青金門紫闥應  
休望獨伴寒儒住草亭  
舊時規矩不全完不受穿携欲用難便是一文都  
不愛恰當畱着贈清官

贈西梁山南谷上人

軍持冷伴一架裘夜續傳燈禮薄迦綠漲江流環  
善水紅飛春色靜香牙三災應代居人脫四會胥  
飯貝葉遮却許維摩開倦眼辟支高坐看趺跏

天台圖

一片桃花萬頃煙誤人多半是神仙無端嘗着人

間苦人世相思只百年

題馮誠菴所藏程某梅花畫冊

今夕了無風與月墨雲一陣香初發喚取高人進  
屋來冰雪滿身寒到骨

只宜水上橫斜見不是窗中淺澹描說與程君須  
着我哦詩側帽過谿橋

高枝擎攬白雲堆但可生成不可栽大庾嶺頭冬  
乍暖好風吹下冷香來

幽芳冷致難歡愜此君風味差相接笑倒人間肉  
食兒梅花開日生青葉



一榦捎空勢欲飛  
藐姑僊子六銖衣  
只宜初四初三月  
若到團員便太肥

老榦如何有豔姿  
隄麋點作紫臙脂  
問君何處親曾見  
鄧尉山橫破臘時

曲鋏如龍儘折盤  
凌空作勢有千般  
只疑昨夜昏黃月  
墜下同雲一縷寒

曉煙昏月兩朦朧  
委地如何復上空  
雪榦霜枝凍不死  
數花依舊占春風

髣髴晴檐落筆新  
幽梅澹竹兩精神  
豈徒寫出冰霜意  
眉翠脣朱媚殺人

不須更着一枝陪  
萬態千姿看出來  
笑我數株隨屋賣  
連根燒作爨邊灰

一枝還逐一枝生  
花蕊高低信筆成  
只好拂煙仍帶月  
更無人向此間行

絕世貞操絕世姿  
暗香疎影兩相宜  
又教畫出牢騷意  
能使春風滿折枝

羅浮徑仄雪花乾  
傲榦僵枝莫正看  
不是耐他三月冷  
如何結子十分酸

千載春風變物華  
一枝新發舊丫叉  
若非和靖墳邊樹  
便是歐陽池畔花



幽窗點綴密還疎遶筆寒香縱所如只此勝他三

十樹滿頭風雪莫騎驢馮子誠菴畫苑無雙猶晚名筆益其虛懷若谷非真西施讓羨鏡中人也扁舟過訪因

出程君梅花畫冊屬題即走筆為十五絕句殊媿未工它日紙窗相對應憶一時聚首之歡耳

題山水畫冊誠菴筆  
五首失稿

凹凸塗亂山奇毛掃翡翠孤僧不出門桃花燒古

寺

野橋每空臥谿淨水如瀘天外轟數峰山風吹雲

去

居繞千長松幽窅無剝啄夜深風雨來蚪龍鬪屋

角

度橋怯曉寒野水籠遠霧邨落甫開門驢鳴出古

樹

憑君數點墨隨我雲霧中舟子喚不磨遠水莫可

通

雲蒼覺山老樹紅知秋醉晚鐘渡水來斜陽剛一

簞

雪淺不覆山冬早有賸葉咫尺王子猷邈然不可

接

壽劉鶴亭

卯金子僊人謫居塵濁世手持綠玉杖身披霞文



帔書學顛長史得力聞鼓吹不知下筆前畫破幾  
床被善顏古佳人百花爭韶媚試從絹素聽心欲  
醉環珮好句稱隨州聯篇誇精緻聰明罕比方腰  
間有紫痣但喜嚼霜毫不愁梳雪刺甲子閱已匝  
春秋當重記庭下兩阿郎洗腆敬舉觴偏與諸孫  
嬉幾復如孩穉抱之坐膝上挽鬚問難字種秫釀  
名酒飲友擇可意知翁壽無涯謂能全真粹別號  
鶴亭叟應識還丹使

江行

側岼危磯江路長青楓九月半紅黃西風又動蘆

花裏莫點潘郎鬢上霜

漁父

短櫂孤篷繫柳陰荻花如雪覆船深莫言婦子無  
榮辱拋網都關得失心

晚江

參差江上萬峰斜遠雁成行接斷霞幾日霜濃烏  
桤樹黛羸叢裏點朱砂

使風

一江銀浪涌秋空山色昏昏日色蒙蒙岼隔船無  
丈許不妨快使滿篷風



題蠟磯孫夫人廟

千年遺廟與雲平  
瑟瑟黃蘆繞徑生  
檻外潮添菱鏡  
淚檐前葉墮  
翠鈿聲兩重眉  
皺吳山綠一點  
心隨漢日明  
只好湘江尋  
伴侶九疑天  
遠路縱橫

題畫

長帆如馬駛難攀  
短櫓輕搖亦往還  
記得喚船江浦口  
雲邊殘堞兩餘山

雪浪堆中望客船  
近山如黛遠如煙  
若非隱見峻嶒塢  
便是西梁山者邊

出江舟阻逆風仍回岬口

剛到中流風色轉  
打頭急浪濺衣衫  
翻因就勢回船去  
贏得高懸半日帆

漁船

半夜收船港口眠  
五更拋網水連天  
完得一年漁課足  
辛勤不爲急官錢

大風舟行甚駛驚餘有作

風勢千鈞篷脚斜  
噴鞭怒馬發平沙  
霞天似綺開紅帳  
雪浪如山捲白花  
晚日微茫下山麓  
炊煙斷續見人家  
連宵鷗鷺分灘住  
更欲回頭路已賒



玉禾山人集卷六終





